

Japaun Konstrui Fasilidade Edukasaun Mellorada ba Labarik sira iha Bobonaro.

18 Marsu, 2025

Iha loron 18 Marsu, 2025, serimónia asinatura kontratu subvensaun sira ba Projetu Konstrusaun Edifísiu Eskola EBF Lour iha suku Lour, munisípiu Bobonaro hala’o iha Embaixada Japaun iha Timor-Leste. Asisténsia ne’e fornese liuhosi Japaun nia eskema asisténsia Dezenvolvimentu “Subvensaun Asisténsia ba Projetu Seguransa Umanu iha Baze (GGP).”

Kontratu ne’e asina entre S.E. Sr. KIMURA Tetsuya, Embaixadór Japaun ba Timor-Leste, no representante hosi ONG lokál, Juventude Inovativo, nu’udár implementadór ba projetu ne’e. Sr. Apolinário Serpa Rosa, Diretór Jerál Ministériu Edukasaun, S.E. Sr. Presidente Autoridade Munisípiu Bobonaro, Alexandre Pires no líder komunitária sira partisipa serimónia ida ne’e.

Juventude Inovativo sei konstrui edifísiu eskola EBF Lour iha suku Lour, munisípiu Bobonaro ho montante finansiamentu USD 143,000 hosi Governu Japaun.

Embaixadór Kimura hateten “Edukasaun hanesan prioridade ida iha dezenvolvimentu Timor-Leste nian, no Japaun mós rekuñese importánsia iha forneseментu edukasaun ho kualidade ba ema hotu, inklui iha área rurál sira. Ha’u hein katak ba parte hotu ne’ebé envolve iha konstrusaun ne’e sei hala’o nafatin servisu di’ak hodi kompleta projetu ne’e ho susesu. Ha’u hein tebes atu haree fali imi hotu no comunidade sira hosi fatin projetu nian iha serimónia inaugurasan hodi celebra finalizasaun projetu ida ne’e”.

Governu Japaun implementa ona ho ativu projetu lubuk ida iha Timor-Leste, hahú hosi dezenvolvimentu infraestrutura ho eskala boot to’o projetu ho eskala ki’ik ne’ebé fô benefísiu diretamente ba comunidade lokál sira.

(Remata)